

Syllabus za kurs Ruskog jezika za početnike

Podaci o predavaču

Ime i prezime: Nadan Kravić
E-mail adresa: nadankravich@gmail.com

Biografija predavača:

Nadan Kravić je rođen u Sarajevu 1997. godine, gdje završava školu i osnovne studije, a potom se seli u Rusiju na magistarski studij. U BiH se vraća 2022. godine i započinje svoju djelatnost sa kursevima stranih jezika.

Nadan je po struci magistar hemije i ljubitelj je jezika. Bavi se lingvistikom, završio je pripremni fakultet za ruski jezik kao strani te ima položen državni ispit. Radio je kao predavač engleskog jezika na platformi Skyeng. Trenutno vodi svoj kurs BHS za strance – na ruskom i engleskom jeziku. Ovlašteni je sudski tumač za ruski jezik i surađuje sa nekoliko prevodilačkih agencija.

LinkedIn profil: <https://www.linkedin.com/in/nadan-kravi%C4%87-23882123b/?originalSubdomain=hr>

Opće informacije o kursu:

Kurs ruskog jezika za početnike će dati osnovna znanje ruskog jezika za one koji nemaju prethodnog znanja ili ga imaju vrlo malo. Kurs pokriva osnovne teme kao što su pismo i fonetika, osnovne fraze, gramatika i vokabular. Cilj je na brzi, a opet dovoljno temeljit način osposobiti polaznike da se sporazumijevaju na osnovnom nivou u svakodnevnim situacijama. Kroz interaktivne lekcije, vježbe slušanja, čitanja i pisanja, polaznici stječu ne samo znanje, nego i samopouzdanje u korištenju jezika bez barijera. Kurs također obuhvata dio o jezičkoj kulturi, koja pomaže polaznicima da bolje razumiju jezik.

Opis kursa:

Kurs ruskog jezika za početnike pruža sveobuhvatan i temeljan pristup učenju ruskog jezika za osobe koje nemaju nikakvog ili imaju vrlo malo iskustva s ovim jezikom. Program obuhvaća širok spektar tema i prilagođenih potrebama početnika.

Kroz kurs, polaznici će naučiti osnove pisma i fonetiki, osnove gramatike, uključujući osnovne strukture rečenica, glagolska vremena, promjene imenica i pridjeva. Također će se upoznati sa svakodnevnim izrazima, moći će da se predstave, te da podrže razgovor i učestvuju u njemu, u skladu sa svojim znanjima.

Interaktivne lekcije obuhvataju vježbe slušanja, razgovora, čitanja i pisanja, pružajući polaznicima priliku da primijene svoje znanje u konkretnim situacijama. Tijekom kursa, naglasak je na razvijanju komunikacijskih vještina, kako u formalnim tako i u neformalnim situacijama.

Kurs ruskog jezika za početnike stvoren je s ciljem da pruži dobre osnove za daljnje učenje jezika, kao i za stvaranje dobrog okruženja koje podržava sve polaznike, bez obzira na njihovo početno znanje ruskog jezika ili iskustvo u učenju stranih jezika.

Očekivanja i ciljevi:

Na kursu ruskog jezika za početnike, polaznici će naučiti sljedeće:

- Da predstave sebe i druge
- Da se uvjereno snađu u svakodnevnim životnim situacijama
- Da mogu postavljati opšta i konkretna pitanja i odgovoriti na njih
- Čitati i razumjeti jednostavne tekstove na ruskom jeziku, poput kratkih poruka, uputa, reklama ili članaka
- Pisati kratke tekstove, uključujući poruke i e-mail
- Koristiti modalne glagole, govoriti o tome šta im se sviđa ili ne sviđa
- Opisivati radnje i predmete
- Razgovarati o određenim temama koje prolaze na kursu

Materijali/oprema neophodna za kurs:

Polaznici ne trebaju nikakve materijale za ovaj kurs. Sve nastavne materijale dobivaju od predavača u elektronskoj formi.

Trajanje kursa: 2 mjeseca

Broj sati/časova: 16 susreta, 2 susreta sedmično (jedan susret traje 2 sata)

Raspored tema:

Sedmica 1	Tema br. 1. Pismo i fonetika; izgovor; osnovne fraze; intonacija; pitanja i odgovori - početak; govorne vježbe; prosti dijalozi
Sedmica 2	Tema br. 2. Glagoli; infinitiv; grupe glagola; sadašnjost; povratni glagoli; zamjenice; lične zamjenice; proste rečenice; razgovorni dio
Sedmica 3	Tema br. 3. Imenice i pridjevi; poređenje sa BHS; množina imenica; razgovorni dio
Sedmica 4	Tema br. 4. Glagol imati; prisvojne zamjenice; uzročne rečenice; orijentacija u vremenu; prošlo vrijeme – početak; lokativ; razgovorni dio
Sedmica 5	Tema br. 5. Složene rečenice; veznici i, a i ali; akuzativ i dio genitiva; osnovni glagoli kretanja; razgovorni dio
Sedmica 6	Tema br. 6. Razgovaramo o budućnosti; složene rečenice – nastavak; modalni glagoli; pitanja i odgovori – nastavak; razgovorni dio
Sedmica 7	Tema br. 7. Glagolski pridjevi; odnosna zamjenica koji; dativ; instumental; razgovorni dio
Sedmica 8	Tema br. 8. revizija; dvije razgovorne teme; test